

**OSNOVNI SUD
U ZVORNIKU**

Na osnovu člana 43 stav 2 tačka z) i člana 241 stav 1. Zakona o krivičnom postupku RS, podižem

OPTUŽNICU

Protiv:

J. A., rođen ... godine u K., A. (...)

Što je:

Dana 11.10.2024.godine oko 12,40 sati u mjestu Tabanci, Grad Zvornik, kao učesnik u javnom saobraćaju na putu, upravljujući pmv marke „Fiat Punto“, reg.oznake ... i krećući se magistralnim putem iz smjera Karakaj prema Šepku, olako držeći da do saobraćajne nezgode neće doći i da zabranjena posljedica neće nastupiti, vozilom prešao na lijevu stranu kolovoza gledano u smjeru njegovog kretanja, u momentu kada je i suprotnog smjera na kratkom odstojanju dolazilo pmv marke „Audi“ reg.oznake ... kojim je upravljao vozač S. T. koji se kretao svojom desnom stranom kolovoza iz smjera Šepak prema Karakaju, postupajući na taj način suprotno članu 39. stav 1. Zakona o osnovama bezbjednosti saobraćaja na putevima u Bosni i Hercegovini („Službeni glasnik BiH“ br. 6/06, 75/06, 44/07, 84/09, 48/10, 18/13 i 8/17), zbog čega je u lijevoj saobraćajnoj traci svojim prednjim desnim čeonim dijelom vozila marke marke „Fiat Punto“ ostvario kontakt sa središnjim prednjim čeonim dijelom vozila marke „Audi“, uslijed čega je saputnik u njegovom vozilu J. M. zadobila teške tjelesne povrede u vidu krvnog podliva sa oguljotinom korijena nosa, razderno-nagnječne rane dlane strane korijena palca lijeve ruke, preloma desne koljenice neposredno ispod koljena, krvnog podliva spoljašnje strane desne nadlaktice i podlaktice neposredno iznad i ispod lakta, krvnog podliva desne nadlanice, krvnog podliva lijeve podlaktice, krvnog podliva prednje strane desnog ramena, nepravilnog krvnog podliva između dojki, krvnog podliva u predjelu donjeg kraja grudne kosti, trakastog krvnog podliva prednje strane stomaka koji se proteže od desnog ka lijevom kuku, trakastog krvnog podliva od podliva kraja grudne kosti ka lijevom kuku, krvnog podliva desnog rebarnog luka, krvnog podliva lijevog koljena, krvnog podliva desnog koljena i iznad desnog koljena, krvnog podliva duž desne potkoljenice, razderno-nagnječne rane u predjelu prelaza desne potkoljenice u hrbatnu stranu stopala, razderno-nagnječne rane donje usne, modrica sa oguljotinom kože lijeve jagodične regije preloma obje kosti desne podlaktice, krvnog podliva donjeg dijela leđa i slabinskog predjela s oguljotinom kože, nagnječenja pluća, krvnog podliva opornjaka, prisustva krvi u mekim i mišićnim tkivima zadnjeg dijela stomaka i karlice, prskotine kapsule tkiva jetre, prisustva krvi u stomačnoj duplji i dana 11.10.2024.godine u 16,51 sati preminula u hirurškoj ambulanti JZU Bolnica Zvornik,a smrt je nasilna i nastupila neposredno uslijed iskravljjenja u grudnu i stomačnu duplju

Dakle, iz nehata kao učesnik u saobraćaju na putevima, ne pridržavajući se saobraćajnih propisa ugrozio javni saobraćaj i tako doveo u opasnost život ljudi, uslijed čega je nastupila smrt jednog lica,

Čime je, počinio krivično djelo - ugrožavanje javnog saobraćaja - iz člana 402. stav 5. u vezi sa stavom 3.i 1. Krivičnog zakonika Republike Srpske.

[...]

OKRUŽNI JAVNI TUŽILAC

Napomena:

„Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.“